



ХЭНТИЙ АЙМГИЙН ЗАСАГ ДАРГЫН ЗАХИРАМЖ

2024 оны 05 сарын 30 өдөр

Дугаар A/318

Хэрлэн сум

Хоёр дахь дуудлага худалдааг зохион байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 66 дугаар зүйлийн 66.1, 60 дугаар зүйлийн 60.1.1, Байгаль орчныг хамгаалах тухай хуулийн 16 дугаар зүйлийн 16.2.1, Зөвшөөрлийн тухай хуулийн 8.1 дүгээр зүйлийн 8.1.23, Амьтны тухай хуулийн 5 дугаар зүйлийн 5.5.1, 29 дүгээр зүйлийн 29¹.1, 29¹.12.3, Аялал жуулчлалын тухай хуулийн 2 дугаар зүйлийн 2.2.1, 2.2.2, Иргэний хуулийн 197 дугаар зүйлийн 197.10, 197.12 дахь хэсэг, Монгол Улсын Засгийн газрын 2024 оны 89 тоот тогтоолыг тус тус үндэслэн, **ЗАХИРАМЖЛАХ** нь:

1. Тусгай зориулалтаар агнуурын амьтныг агнах, барих тусгай зөвшөөрөл олгох анхны нээлттэй дуудлага худалдаагаар үнийн хэт хөөрөгдөл хүрч 2024 оны 04 дүгээр сарын 02-ны өдрийн A/166 тоот захирамжийн 2 дугаар хавсралт удирдамжийн 8.1 дүгээр зүйлийн 8.1.1-д заасан нөхцөл байдал үссэн тул хоёр дахь дуудлага худалдааг хаалттай дуудлага худалдааны хэлбэрээр зохион байгуулж ажиллах ажлын хэсгийг нэгдүгээр хавсралтаар баталсугай.

2. Тусгай зориулалтаар агнуурын амьтныг агнах, барих тусгай зөвшөөрөл олгох хаалттай дуудлага худалдааг зохион байгуулах ажлын хэсгийг нэгдүгээр хавсралтаар, удирдамжийг хоёрдугаар хавсралтаар баталсугай.

3. Хаалттай дуудлага худалдааг зохион байгуулахдаа анхны дуудлага худалдаанд бүртгүүлж оролцсон аялал жуулчлалын тусгай сонирхолын тур оператор, ан агнуурын мэргэжлийн байгууллагын эрх бүхий агнуурын бүсийн менежмент хариуцагч хуулийн этгээдүүдийг анхны дуудлага худалдаанд оролцсон тухайлсан төрөл бүрт нь болон CITES-ийн 2-р хавсралтанд бүртгэгдсэнээс бусад агнуурын амьтны төрлийн дуудлага худалдаанд тусгайлан урилгаар оролцуулж хууль журамд нийцүүлэн зохион байгуулж тайлагнахыг ажлын хэсгийн ахлагч Байгаль орчин, аялал жуулчлалын газрын даргын үүргийг түр орлон гүйцэтгэгч (Г.Мөнх-Эрдэнэ)-д үүрэг болгосугай.

4. Захирамжийн хэрэгжилтэнд хяналт тавьж ажиллахыг аймгийн Засаг даргын Тамгын газрын хөгжлийн бодлого төлөвлөлт, хөрөнгө оруулалтын хэлтсийн дарга (Э.Мөнх-Эрдэнэ)-д даалгасугай.

ЗАСАГ ДАРГА

Ц.ЧОГСОМЖАВ

D:\My Documents\ Захирамж-2024

• 231010811

Аймгийн Засаг даргын 2024 оны
дугаар сарын 30.-ны өдрийн
дугаар захирамжийн нэгдүгээр хавсралт

АЖЛЫН ХЭСГИЙН БҮРЭЛДЭХҮҮН

Ажлын хэсгийн
ахлагч:

Г.Мөнх-Эрдэнэ

Байгаль орчин, аялал жуулчлалын газрын
даргын үүргийг түр орлон гүйцэтгэгч

Нарийн бичгийн
дарга:

Б.Мөнхжаргал

Хөгжлийн бодлого төлөвлөлт, хөрөнгө
оруулалтын хэлтсийн ахлах мэргэжилтэн

Гишүүд:

Х.Баярбаатар

Санхүү, төрийн сангийн хэлтэсийн ахлах
Мэргэжилтэн

Г.Лхагвахатан

Орон нутгийн өмчийн газрын дарга

Б.Нандинбаатар

Байгаль орчин, аялал жуулчлалын газрын
мэргэжилтэн

**ТУСГАЙ ЗОРИУЛАЛТЫН АН АГНАХ БАРИХ ЗӨВШӨӨРЛИЙН
ДУУДЛАГА ХУДАЛДАА ЗОХИОН БАЙГУУЛАХ УДИРДАМЖ**

Нэг. Нийтлэг үндэслэл

1.1 Зөвшөөрлийн тухай хуулийн 5.6 дугаар зүйл, Амьтны тухай хуулийн 29¹.3 дугаар зүйлд заасны дагуу тусгай зориулалтаар агуулж амьтныг агнах зөвшөөрөл олгох дуудлага худалдааг зохион байгуулан явуулахдаа энэхүү удирдамжийг баримтална.

1.2 Аймгийн Засаг даргын захирамжаар тусгай зориулалтаар агуулж амьтныг агнах тусгай зөвшөөрөл олгох, дуудлага худалдааг зохион байгуулан явуулах ажлын хэсгийн бүрэлдэхүүн, дуудлага худалдаа явуулах ажлын удирдамжийг боловсруулна.

1.3 Тус удирдамжийн 1.2-т заасан ажлын хэсэгт аймгийн Засаг даргын Тамгын газрын Хөгжлийн бодлого төлөвлөлт, хөрөнгө оруулалтын хэлтэс, Хууль эрх зүйн хэлтэс, Санхүү төрийн сангийн хэлтэс, Орон нутгийн өмчийн газар, Байгаль орчин, аялал жуулчлалын газар, байгаль орчны чиглэлийн үйл ажиллагаа явуулдаг төрийн бус байгууллагын төлөөлөл багтсан 5-7 гишүүнтэй байна.

1.4 Засгийн газрын тогтоолд заасан тусгай зориулалтын агуулж зөвшөөрлийн дуудлага худалдааны эхлэх босго үнийн хэмжээг дуудлага худалдааны анхны үнийн санал гэж тооцно.

1.5 Дуудлага худалдаанд тухайн агуулж бус нутгийн амьтдыг Засгийн газрын тогтоолоор батлагдсан хуваарийн дагуу тухайн зүйл амьтныг нэг болон хэд хэдэн ширхэгээр, тухайн багцдаа өөр зүйл амьтныг нэг буюу хэд хэдэн ширхэгээр дагалт ангаар оруулж худалдааг зохион байгуулна.

Хоёр. Дуудлага худалдаа зохион байгуулахад баримтлах зарчим

2.1 Дуудлага худалдааг зохион байгуулахад дараах зарчмыг баримтална.

2.1.1 Дуудлага худалдаанд оруулах агуулж амьтныг Засгийн газрын тогтоол болон Байгаль орчин, аялал жуулчлалын сайдын тушаалаар баталсан тооноос хэтрүүлэхгүй байх.

2.1.2 Хаалттай дуудлага худалдаанд тусгайлан уригдсан этгээдүүдийн хүрээнд нээлттэй, ил тод, оролцогчдын тэгш шудрага оролцоог хангасан байх.

2.1.3 Холбогдох хууль тогтоомжийн заалтуудыг чанд мөрдөх.

**Гурав. Дуудлага худалдааны хэлбэр, дуудлага худалдаа
явуулах дараалал**

3.1 Дуудлага худалдааг цахимаар зүүм /zoom/ апплейкши цаашид

(программ гэх) ашиглан “Иргэний хууль”-ийн 197.10, 197.12 дугаар зүйлд заасны дагуу хаалттай дуудлага худалдааг зохион байгуулна.

3.2 Дуудлага худалдааг дараах дарааллын дагуу явуулна:

3.2.1 Дуудлага худалдааны бэлтгэл ажлыг хангах;

3.2.2 Дуудлага худалдааг тусгайлан уригдсан этгээдүүдэд зарлан мэдээллэх;

3.2.3 Дуудлага худалдаанд оролцогчдыг бүртгэх, дуусгавар болгох.

3.2.4 Дуудлага худалдааг явуулах;

3.2.5 Дуудлага худалдааны ялагчийг зарлах баталгаажуулах;

3.2.6 Ан агнах эрхийн бичгийг бичиж олгох;

Дөрөв. Дуудлага худалдааны бэлтгэл ажлыг хангах

4.1 Тус удирдамжийн 1.3-д заасны дагуу аймгийн Засаг даргын захирамжаар байгуулагдсан ажлын хэсэг дуудлага худалдааг зохион байгуулахтай холбогдуулан дор дурдсан бэлтгэл ажлыг хийж гүйцэтгэнэ.

4.1.1 Дуудлага худалдааны тов, агнах, барих амьтны хуваарь, багц, дуудлага худалдааны анхны үнэ, дуудлага худалдааны зохион байгуулалт, хэлбэр, хугацаа, дэнчингийн хэмжээг тогтоосон шийдвэрийн төслийг бэлтгэсэн байна.

4.1.2 Хуульд заасан шаардлагад нийцсэн, төрийн байгууллагуудад ашиглагдаж туршигдсан, программ хангамж ашиглах туршилт хийж бэлэн болгоно. Аудио /видео хэлбэрээр үнийн санал өгөх, аудио/ видео бичлэг хийж хадгалах баталгаажуулах, зохион байгуулагчид болон бүх оролцогчид харилцан хяналт тавих боломж бүхий zoom буюу түүнтэй төстэй программ ашиглана.

4.1.3 Дуудлага худалдааг зохион байгуулах ажлын хэсгийн гишүүдэд сургалт хийж дадлагажуулна.

Тав. Дуудлага худалдааны зарыг зарлан мэдээлэх

5.1 Хаалттай дуудлага худалдааны зар (цаашид “зар” гэх)-ыг уг дуудлага худалдаа явуулахаар товлосон өдрөөс 3-аас доошгүй хоногийн өмнө цахимаар тусгайлан уригдсан этгээдүүдэд мэдэгдэнэ;

5.1.1 Дуудлага худалдаагаар агнах, барих амьтныг агнуулах, барьж буцаан тавиулах тухай эрх бүхий этгээдийн шийдвэр.

5.2 Дуудлага худалдааны хэлбэр

5.2.1 Дуудлага худалдаа зохион байгуулах цахим хуудасны мэдээлэл (дуудлага худалдаа явуулах тусгай программ хангамж бүхий), харилцах утасны дугаар;

5.2.2 Дуудлага худалдаанд оруулах агнуурын бүс нутгийн нэр, агнуулах, барьж буцаан тавиулах амьтны зүйлийн нэр, тоо толгой болон тухайн агнуурын бүс

нутгийн нэр, агнуулах, барьж буцаан тавиулах амьтны зүйлийн нэр, тоог багцалсан мэдээллийг;

5.2.3 Дуудлага худалдааны босго үнэ;

5.2.4 Дэнчингийн хэмжээ, дэнчин тушаах дансны дугаар, дэнчин төлөх сүүлийн хугацаа;

5.2.5 Дуудлага худалдаанд тусгайлан уригdsan оролцогчдыг бүртгэх хугацаа;

5.2.6 Дуудлага худалдаа эхлэх, дуусах он, сар, өдөр, цаг;

5.2.7 Дуудлага худалдааны босго үнийг өсгөх интервалийн хэмжээг зард зайлшгүй тусгана.

Зургаа. Дуудлага худалдаанд оролцогчдыг бүртгэх

6.1 Дуудлага худалдаанд оролцуулахаар тусгайлан уригdsan этгээд хүсэлтээ энэ удирдамжийн хавсралтад заасан маягтын дагуу үнэн зөв гаргаж khentiinature@gmail.com цахим шуудангийн хаягаар дуудлага худалдаа эхлэхээс 24 цагийн өмнө илгээсэн байна.

6.2 Дуудлага худалдаанд тусгайлан уригdsan оролцогч дуудлага худалдаанд оролцох хүсэлтдээ дараах материалыг хавсаргаж, цахимаар илгээнэ.

6.2.1 Хуулийн этгээдийн байгууллагыг төлөөлж оролцох тохиолдолд тухайн аж ахуйн нэгж, байгууллагын олгосон нотариатаар батлуулсан итгэмжлэл, иргэний үнэмлэх, эсхүл түүнтэй адилтгах бичиг баримт, байгууллага бол улсын бүртгэлийн гэрчилгээний хуулбар, тур операторын болон ан агнуурын мэргэжлийн байгууллагын гэрчилгээ, ажилтны үнэмлэх;

6.2.2 Дэнчин төлсөн баримтын хуулбар;

6.2.3 Ажлын хэсэг хүсэлтийг хүлээн авч, дуудлага худалдааны оролцогч болсныг цахим дуудлага худалдаа явуулах тусгай программ хангамжид нэвтрэх нэр, нууц үгээр баталгаажуулж оролцогчид мэдэгдэнэ

6.3 Бүртгэлийг дуудлага худалдаа эхлэхээс 24 цагийн өмнө хаана;

6.4 Дуудлага худалдаа явуулах ажлын хэсэг дуудлага худалдаанд оролцогчдын материалыг дуудлага худалдаа явуулахаас 24 цагийн өмнө хааж, дуудлага худалдаа эхлэх цаг болмогц оролцогчдод бичиг баримтын үнэн зөв эсэх болон дэнчин төлсөн байдлыг шалгаж, ирсэн хүсэлтүүдийг оролцогч тус бүрээр нь ялган тавьж бүртгэнэ.

6.5 Бүртгэлийн материалыаас ташаа мэдээлэл илэрсэн, эсхүл тухайн дуудлага худалдаанд оролцох хүсэлт биш тохиолдолд холбогдох этгээдийг дуудлага худалдаанд оролцуулахгүй. Энэ талаар тэмдэглэлд бүртгэнэ.

6.6 Дуудлага худалдаанд оролцогчдын бүртгэл, мэдээллийг дуудлага

худалдааг нээх хүртэлх хугацаанд нууцалж, бусдад энэ талаар мэдээлэл өгөхийг хориглоно.

Долоо. Дуудлага худалдаа явуулах

7.1 Аймгийн Засаг дарга дуудлага худалдаа явуулах ажлын хэсгийг байгуулж, дуудлага худалдааны ажлын хэсэг зохион байгуулна.

7.2 Дуудлага худалдаа явуулах ажлын хэсэг нь дарга, дуудлага худалдааны хөтлөгч (зарлагч), тэмдэглэл хөтлөгч гэсэн үүрэг бүхий энэ удирдамжийн 1.3-т заасан бүрэлдэхүүнтэй байна.

7.3 Дуудлага худалдааны явцад үүссэн маргааныг тухайн дуудлага худалдаа явуулах ажлын хэсэг хянан шийдвэрлэнэ.

7.4 Дуудлага худалдаа явуулах ажлын хэсгийн дарга дор дурдсан эрх, үүрэгтэй.

7.4.1 Дуудлага худалдаа явуулах ажлыг бүрэн хариуцах;

7.4.2 Дуудлага худалдаа явуулахад зөвлөх ажилтныг сонгон ажиллуулах;

7.4.3 Дуудлага худалдааны явцын тэмдэглэл, дуу, дүрсний бичлэгийг үнэн зөв, бүрэн хөтлөгдсөн эсэхийг хянаж баталгаажуулан, дуудлага худалдаанд оролцогчид болон зохион байгуулагч талын төлөөлөл тэмдэглэлд гарын үсэг зурна.

7.5 Дуудлага худалдааны хөтлөгч дор дурдсан эрх, үүрэгтэй:

7.5.1 Дуудлага худалдаанд оролцогчдыг бүртгэж, хувийн дугаар олгох;

7.5.2 Дуудлага худалдааг товлосон хугацаанд нь эхлүүлэх;

7.5.3 Үнэ хаялцуулах дэгийн дарааллын талаар болон өсгөн хэлзх үнийн хэмжээг зарлаж танилцуулах;

7.5.4 Дуудлага худалдааны явцын тэмдэглэлийг үнэн зөв, бүрэн хөтлүүлэх.

7.6 Дуудлага худалдааны тэмдэглэл хөтлөгч дор дурдсан эрх, үүрэгтэй

7.6.1 Дуудлага худалдааны явцын тэмдэглэлийг үнэн зөв, бүрэн хөтлөх;

7.6.2 Дуудлага худалдааг товлосон хугацаанд оролцогчдыг цахим хаягт оролцохыг утсаар холбогдож урих, оролцогч 2 дахь удаагаа урихад орж ирээгүй тохиолдолд түүнийг дуудлага худалдаанд оролцохоос татгалzsанд тооцож, энэ тухай тэмдэглэлд тусгана;

7.6.3 Бүртгэлийн ажиллагаа дууссаны дараа дуудлага худалдаа явуулах ажлын хэсгийн дарга оролцогчдод тухайн шатны Засаг дарга дуудлага худалдаа явуулах захирамж, түүнтэй адилтгах шийдвэрийг уншиж сонсгоно;

7.6.4 Дуудлага худалдаа явуулах ажлын хэсэг оролцогчдын материалыг шалгасны дараа энэ удирдамжийн 7.5.1-д заасан дугаарыг хуваарилж олгоно;

7.6.5 Хөтлөгч оролцогчдод дуудлага худалдааны журам болон үнэ хаялцуулах дэг, анхааруулах бусад зүйлийг танилцуулна;

7.6.6 Хөтлөгч дуудлага худалдаанд явуулах цахим зохион байгуулалтыг танилцуулж, дуудлага худалдааны өсгөн хэлэх үнийн хэмжээг зарлан, дуудлага худалдаа эхлүүлнэ;

7.6.7 Өсгөн хэлэх үнийн хэмжээ Засгийн газрын тогтоолоор баталсан 2023 оны босго үнийн /доод хязгаар нь босго үнийн 10 %-иас доошгүй дээд хязгаар нь 50%-иас дээшгүй байна. /2023 оны 07 дугаар сарын 05-ны өдрийн 261-р тогтоол/

7.6.8 Оролцогч үнийн санал хэлэхэд хөтлөгч тухайн үнийн саналыг 3 удаа давтаж хэлнэ;

7.6.9 Бусад оролцогчид энэ удирдамжийн 7.6.7-д зааснаас дээш үнийн санал хэлээгүй тохиолдолд хөтлөгч “буулаа” гэж хэлээд “нэг”, “хоёр”, “турав” гэж тоолсоны дараа дохио өгч ялагчийг зарлаж, дуудлага худалдаа хаасныг мэдэгдэнэ;

7.6.10 Дуудлага худалдаанд оролцогчид дуудлага худалдааны тэмдэглэлд гарын үсэг зурна.

7.6.11 Цахим дуудлага худалдааг товлосон өдрийн цаг, минут, секундэд эхлүүлж, мөн өдрийн цаг, минут, секундэд зогсоно;

7.7.1 Дуудлага худалдааны ялагч дуудлага худалдаа явагдсан өдрөөс хойш ажлын 24 цагийн дотор дуудлага худалдааны төлбөрийг бүрэн төлж, Иргэний хуулийн 197 дугаар зүйлд заасны дагуу гэрээ байгуулах үүрэгтэй;

7.7.2 Цахим худалдааг заасан хугацаанд зогсоосноор оролцогчдоос ирүүлсэн үнийн санал тус бүрийн хугацааг цаг, минут, секундээр бүртгэн тэмдэглэлд тусгана.

7.7.3 Дуудлага худалдааны ялагчаас бусад оролцогчдын дэнчинг ажлын 5 өдөрт багтаан буцаан шилжүүлэх бөгөөд шилжүүлэх данс тодорхойгүй тохиолдолд цахим бүртгэл дэх утас, хаягаар оролцогчтой холбогдож шилжүүлнэ;

7.7.4 Дуудлага худалдаа явуулахтай холбогдсон энэ удирдамжаар зохицуулаагүй харилцааг Иргэний хуулийн 197 дугаар зүйл болон Амьтны тухай хуульд заасны дагуу зохицуулна.

Найм. Дуудлага худалдааг дахин явуулах

8.1 Дараах тохиолдолд дуудлага худалдааг дахин явуулна:

8.1.1 Дуудлага худалдааны ялагч дуудлага худалдаагаар худалдан авсан тусгай зориулалтын агнуурын хураамж, агнуурын нөөц ашигласны төлбөр, дуудлага худалдааны төлбөр, гэрчилгээний үнийг энэ удирдамжийн 7.7.1-т заасан хугацаанд бүрэн төлөөгүй, эсхүл төлөхийг зөвшөөрөөгүй тохиолдолд;

8.1.2 Дуудлага худалдаа явагдаагүй болон явуулах нөхцөл бүрдээгүй;

8.1.3 Дуудлага худалдааг хууль зөрчин явуулсныг шүүхийн шийдвэрээр тогтоосон;

8.1.4 Хуульд заасан бусад тохиолдол

8.2 Дуудлага худалдааг дахин явуулах шийдвэрийг аймгийн Засаг дарга гаргах бөгөөд дуудлага худалдааны зарыг дахин дуудлага худалдаа явуулах өдрөөс хуанлийн 3-аас доошгүй хоногийн өмнө урилгаар оролцогчдод мэдээлнэ.

8.3 Дуудлага худалдааг дахин явуулахдаа энэ удирдамжийг мөрднө.

8.4 Энэхүү удирдамжийн 8.1-д заасан дуудлага худалдаанд 1 оролцогч оролцох хүсэлт гаргасан тохиолдолд дуудлага худалдааны анхны босго үнэ дээр өсгөн хэлэх үнийг доод хэмжээг нэмж, дуудлага худалдаагаар худалдан авах үнийг тогтоох бөгөөд тухайн оролцогч зөвшөөрсөн тохиолдолд түүнийг дуудлага худалдааны ялагч гэж үзнэ.

Ес. Дуудлага худалдааны ялагчтай гэрээ байгуулах

9.1 Дуудлага худалдаа явагдсан өдрөөс хойш ажлын 3 хоногийн дотор дуудлага худалдааны ялагчтай гэрээ байгуулна. /БОАЖЯ-ны сайдын 2023 оны 07 дугаар сарын 05-ны өдрийн А/242 дугаар тушаалын хавсралтаар/

9.2 Дуудлага худалдааны ялагч гэрээ байгуулсан өдрөөс хойш ажлын 1 хоногийн дотор энэ удирдамжийн 9.1-т заасан дуудлага худалдааны гэрээнд заасан үнийг бүрэн төлнө.

9.3 Дуудлага худалдааны ялагч энэ журмын 9.2-т заасан хугацаанд дуудлага худалдааны үнэ, агууллын нөөц ашигласны төлбөр, улсын тэмдэгтийн хураамжийг бүрэн төлснөөр аймгийн Засаг дарга энэ удирдамжийн 9.1-дэх гэрээ, өргөдлийг үндэслэн тусгай зориулалтын агууллын амьтан агнах, барих зөвшөөрлийг олгоно.

Арав. Дуудлага худалдааны үнэ, дэнчин

10.1 Дуудлага худалдааны анхны үнийг Засгийн газрын тогтоолоор баталсан үнийг баримтлана.

10.2 Дэнчинг Байгаль орчин, аялал жуулчлалын газрын нэмэлт орлогын 100180013401 дансанд байршуулна.

10.3 Дуудлага худалдааны ялагчаас бусад оролцогчдын дэнчинг дуудлага худалдаа болсон өдрөөс хойш ажлын 5 хоногийн дотор аливаа шимтгэлгүйгээр буцаан олгоно.

10.4 Дуудлага худалдааны ялагч нь гурвалсан гэрээ, менежмент хариуцагчтай отгийн гэрээ байгуулаагүй дуудлага худалдааны үнийг гэрээнд заасан хугацаанд төлөөгүй, дуудлага худалдаанд оролцогчид тэмдэглэлд үндэслэлгүйгээр гарын үсэг зурахаас татгалзсан тохиолдолд уг агууллын бүсийн амьтан агнах эрхийг дахин дуудлага худалдаанд оруулж дэнчинг улсын орлого болгоно.

Арван нэг. Дуудлага худалдааны орлогыг тайллагнах, зарцуулах

11.1 Дуудлага худалдааны орлогын 50 хувийг Засгийн газрын тусгай сангийн тухай хуулийн 5 дугаар зүйлийн 5.1.3-д заасан Байгаль орчин, уур амьсгалын санд шилжүүлнэ.

11.2 Дуудлага худалдааны нийт орлогын 50 хувийг Байгаль орчин, аялал жуулчлалын газрын нэмэлт орлогын 100180013401 дансанд байршуулна.

Арван хоёр. Тусгай зөвшөөрөл олгоход бүрдүүлэх баримт бичиг

12.1 Албан бичгээр ируулсэн хүсэлт

12.2 Менежмент хариуцагчтай гурвалсан гэрээг А/242-р тушаалын хавсралтын дагуу байгуулсан гэрээнүүдийн хуулбар

12.3 Агнүүрүн нөөц ашигласны төлбөрийг төлсөн баримт

12.4 Агнүүрүн наац ашигласны хураамж төлсөн баримт

12.5 Анчны паспортын хуулбар гэсэн бичиг баримтуудыг хүлээн авч ан агнах зөвшөөрлийн хүсэлт ирүүлсэн өдрөөс хойш ажлын 2 хоногт багтаан олгоно.

Арван гурав. Маргаан шийдвэрлэх

13.1 Дуудлага худалдааны явцад үүссэн маргааныг дуудлага худалдаа явууллах ажлын хэсэг шийдвэрлэнэ.

13.2 Хаалттай дуудлага худалдаанд оролцсон аж ахуйн нэгж, байгууллага дуудлага худалдаатай холбогдсон гомдлыг ажлын 3 өдөрт багтаан тухайн шатны Засаг дарга борон Шүүхэд тавьж шийдвэрлүүлэх эрхтэй.

ҮДИРДАМЖ БОЛОВСРУУЛСАН:

БАЙГАЛЬ ОРЧИН, АЯЛАЛ ЖУУЛЧЛАЛЫН ГАЗРЫН
МЭРГЭЖИЛТЭН Б.НАНДИНБААТАР